



MØTEPROTOKOLL

Utval: Kommunestyret
Møtedato 30.04.2020
Møtetid: Kl. 16:00 - 21:50
Møtestad: Teams/ telefonmøte

Av 21 medlemmer møtte 21, inkludert varamedlemmer.

Medlemmer møtte:	Parti:
Gunn Østvik Petersen	Ap
Harald Boge	Ap
Jon Magne Borgevik	Ap
Shirin Kvernes Khadoor	Ap
Anja Elisabeth Gjerde Markhus	Bl
Knut Harald Frøland	Bl
Knut Loneland Høibraaten	Bl
Lena Tveit	Bl
Martin Haugen	Bl
Ove Totland	Bl
Solveig Vassenden	Bl
Øyvind Steinsland	Bl
Karl Bård Kollbotn	Frp
Linda Haug Kollbotn	Frp
Odd Arne Haga	Frp
Arild Røen	H
Gunn Totland Moss	KrF
Oskar Røen	MDG
Øyvind Strømmen	MDG
Monica Tjønnå	Sp
Øyvind Røen	Sp

Møtenotater:

Andre som var til stades i møtet:

- Charlotte Hageberg, rådmann
- Jan Erik Boge, leiande rådgjevar
- Marianne Soleng, avdelingsleiar servicesenteret
- Pål Strand, rådgjevar (under sak 018)
- Mia Holdhus, leiar i ungdomsrådet (under orientering om ungdomsrådet)
- Ida Haugen Skulstad, nestleiar i ungdomsrådet (under orientering om ungdomsrådet)
- Pål Kårbø, dagleg leiar i E134 Haukelivegen AS (under sak 020)
- Geir Kjell Andersland, Barneadvokatene DA (under sak 024)

Dokument som vart utlevert i møtet:

- Kopi av varsel i sak 023 (versjon der varslarane sin identitet er sladda)

Vedlegg til møteprotokollen:

- Svar på grunngjeve spørsmål frå Øyvind Strømmen (MDG) om det gamle deponiet i Gruvo

Protokollmerknader:

- Jon Magne Borgevik (Ap) hadde ein protokollmerknad i sak 025

Interpellasjonen frå Øyvind Strømmen (MDG) vart handsama rett etter sak 016. Sak 025 vart handsama før sak 024.

Møteleiar:	Knut Harald Frøland
Møtesekretær:	Jan Erik Boge

Underskrift frå utvalsleiar og møtesekretær:

Tysse, 05.05.2020

Knut Harald Frøland
ordførar

Jan Erik Boge
leiande rådgjevar

Desse sakene vart handsama:

Sakliste

Sak nr.	Arkivsak	Sakstittel	Merknad
016/2020	20/365	Faste saker	
017/2020	20/260	Opprykk for varamedlem i kommunestyret, val av ny varamedlem til formannskapet, valstyret og arbeidsmiljøutvalet - kommunestyreperioden 2019-2023	
018/2020	18/1024	Delegering av mynde i høve sak for Bergen Tingrett	
019/2020	20/299	Uttale til Nasjonal transportplan (NTP) 2022-2033	
020/2020	20/360	Innmelding i E134 Haukelivegen AS	
021/2020	20/222	Årsmelding for kontrollutvalet 2019	
022/2020	20/222	Val av revisor for Samnanger kommune	
023/2020	20/222	Varsel om arbeidstilhøva i Samnanger kommune	
024/2020	19/255	Endeleg rapport gransking av tre barnevernsaker	
025/2020	19/169	Oppfølging av fylkesmannen sin oppheving av vedtak - skjenkeløyve Milano Pizzeria Bjørkheim	
7	20/25	Interpellasjon og grunngjeve spørsmål - KS 30.04.2020	

SAKNR. 016/2020: Faste saker

30.04.2020 Kommunestyret:

Handsaming i møtet:

Minneord om Brigt Olav Gåsda

Møtet vart innleia med at ordførar Knut Harald Frøland (Bl) las opp minneord om Brigt Olav Gåsda (Ap), som gjekk bort 17.04.2020. Etter minneordet var det eitt minutt stillheit. Ordføraren las òg opp minneordet heilt i slutten av møtet, på grunn av at det var problem med direktestreaminga i starten av møtet.

Godkjenning av møteinnkaling og sakliste

Godkjent utan merknader.

Eventuelle merknar til protokoll frå førre møte

Ingen merknader.

Orienteringssaker:

Orientering frå leiar og nestleiar i ungdomsrådet

Leiar Mia Holdhus og nestleiar Ida Skulstad Haugen frå ungdomsrådet orienterte om rolla til ungdomsrådet, og om kva saker ungdomsrådet for tida arbeider med og er mest opptekne av. Dei orienterte vidare om at ungdomsrådet vil koma med framlegg om å få talerett i formannskapet og kommunestyret. Dei vil òg senda ein e-post til medlemmene i kommunestyret med meir informasjon.

Orientering om koronasituasjonen i Samnanger

Rådmann Charlotte Hageberg orienterte om status i Samnanger. Pr. 30.04.2020 har ingen i Samnanger fått påvist smitte av koronaviruset. Rådmannen orienterte om at planen no er å gå gradvis tilbake til normal drift i alle einingane, men at kommunen likevel er førebudd på at det kan koma smitte til Samnanger.

Grunngjevne spørsmål:

Grunngjeve spørsmål frå Øyvind Strømmen (MDG) om det gamle deponiet i Gruvo

Øyvind Strømmen las opp spørsmåla. Etter dette las rådmann Charlotte Hageberg opp notat med svar på spørsmåla. Notatet ligg som vedlegg til møteprotokollen.

Utvalet sitt kvarter:

Ønske om metall- og glaskonteiner og søppeldunk i "Donaldfjæra"

Monica Tjønnå (Sp) viste til at det er mykje glasbrot og søppel i "Donaldfjæra" (Gjerde friluftsområde), og spurde om kommunen kan få sett opp ein glass- og metallkonteiner og ein søppeldunk der. Rådmann Charlotte Hageberg svarte at bør vera ei enkel sak å få på plass ein konteiner som ting kan kastast i.

Gang-/sykkelveg og VA i Eikedalen

Monica Tjønnå (Sp) spurde om status for arbeidet med gang-/sykkelveg og VA i Eikedalen. Rådmann Charlotte Hageberg svarte at ho må få koma tilbake til svar på dette spørsmålet.

Koronasituasjonen i Samnanger

Anja Elisabeth Gjerde Markhus (Bl) uttrykte bekymring rundt situasjonen. Ho oppmoda om at kommunen sender ut påminning til innbyggjarane om å halda fram med smitteførebyggjande åtferd/tiltak. Rådmann Charlotte Hageberg orienterte om planlagt utsending av sms til innbyggjarane

med slik påminning.

Spørsmål om bruk av midlar frå arv gitt til Samnangerheimen

Solveig Vassenden (Bl) viste til arvegåva som vart gitt til Samnangerheimen for nokre år sidan, og spurde om kva midlane frå arven som var disponible i 2019 vart brukte til. Rådmann Charlotte Hageberg svarte seinare i møtet - etter å ha rådført seg med einingsleiar - at midlane for 2019 vart brukte til utskifting av ein del gamle senger, oppgradering/utviding av datanettet (slik at det no er internettdekning på heile sjukeheimen) og bygging/tilrettelegging av skjerma avdeling.

Montering av heis eller tilsvarande på kommunehuset

Odd Arne Haga (Frp) viste til vedtak i kommunestyret 05.12.2019 i sak 096/2019, om at administrasjonen i første halvår 2020 skal leggja fram sak om monterning av heis eller tilsvarande på kommunehuset. Han spurde om framdrifta i saka. Rådmann Charlotte Hageberg orienterte om at firmaet som har gjort tilstandsvurdering av ungdomsskulen og kommunehuset, òg har sett på moglegheit for monterning av heis eller tilsvarande på kommunehuset. Heissjakt på kommunehuset er ikkje aktuell å bruka, andre løysingar må derfor vurderast og teknisk drift er i gang med å sjå på dette. Sak om dette vil truleg kunne leggjast fram for kommunestyret i juni.

Utgreiing av grense på to kilometer mellom heim og skule for å få innvilga gratis skuleskyss

Odd Arne Haga (Frp) viste til vedtak i kommunestyret 05.12.2019 i sak 095/2019, om moglegheitsstudie der mellom anna innføring av grense på to kilometer mellom heim og skule for å få innvilga gratis skuleskyss, skal utgreiast. Han spurde om framdrifta i denne saka. Rådmann Charlotte Hageberg orienterte om at administrasjonen hadde planlagt å begynna på dette arbeidet i mars, men at arbeidet måtte utsetjast på grunn av svært mykje ekstraarbeid i samband med koronakrisa. Ho orienterte vidare om at administrasjonen ikkje kjem til å rekka å få gjort denne utgreiinga før sommarferien.

Moglegheitsstudie for 1-10 skule m.m.

Odd Arne Haga (Frp) viste til vedtak i kommunestyret 05.12.2019 i sak 095/2019 om moglegheitsstudie, og spurde om framdrifta i denne saka. Rådmann Charlotte Hageberg orienterte om at administrasjonen hadde planlagt å begynna på dette arbeidet i mars, men at arbeidet måtte utsetjast på grunn av svært mykje ekstraarbeid i samband med koronakrisa. Ho orienterte vidare om at administrasjonen ikkje kjem til å rekka å få gjort denne moglegheitsstudien før sommarferien.

Ekstern tilstandsvurdering av ungdomsskulen og kommunehuset

Odd Arne Haga (Frp) viste til vedtak i kommunestyret 05.12.2019 i sak 096/2019, om at det skal gjennomførast ei ekstern tilstandsvurdering av ungdomsskulen og kommunehuset. Han spurde om framdrifta i denne saka. Rådmann Charlotte Hageberg om at rapporten frå den eksterne tilstandsvurderinga er ferdig. Kostnaden med rapporten var ca. 60 000 kroner. Sak om dette vil truleg kunne leggjast fram for kommunestyret i juni.

Behov for opprydding etter hogst/skogrydding langs kraftlinjer

Linda Haug Kollbotn (Frp) viste til hogst/skogrydding langs kraftlinjer i kommunen, som vert gjort av BKK. Ho peika på at dei felte trea berre vert liggjande, og at dette er eit miljøproblem både med omsyn til CO2-utslepp og estetisk. Ho nemnde linjetrasèar ved stiane til Raudvatnet og Åsen som eksempel på område med slik hogst/skogrydding. Ho spurde om kommunen kan stilla krav til BKK om at det vert rydda etter slik hogst/skogrydding. Rådmann Charlotte Hageberg orienterte om at administrasjonen har vore i kontakt med BKK, som har lova å sjå på dette. Rådmannen vil orientera kommunestyret når BKK har svart.

KS- 016/2020 Vedtak:

Møteinnkallinga og saklista vert godkjent. Delegerte vedtak/referatsaker vert tekne til orientering.

Rådmannen sitt framlegg til vedtak:

- Møteinnkallinga og saklista vert godkjent.
- Delegerte vedtak/referatsaker vert tekne til orientering.

SAKNR. 017/2020: Opprykk for varamedlem i kommunestyret, val av ny varamedlem til formannskapet, valstyret og arbeidsmiljøutvalet - kommunestyreperioden 2019-2023

30.04.2020 Kommunestyret:

Handsaming i møtet:

Under handsaminga av saka kom det fram at det var ein feil i framlegget til vedtak i saksframlegget. Det står der at Gunn Totland Moss vert nytt 2. varamedlem i arbeidsmiljøutvalet for grupperinga Arbeiderpartiet, Høgre og Miljøpartiet Dei Grøne ut kommunestyreperioden 2019-2023. Det korrekte framlegget skal vera at Eva Hellevang (H) vert nytt varamedlem for grupperinga Arbeiderpartiet, Høgre og Miljøpartiet Dei Grøne. Med denne endringa vart framlegget samrøystes vedteke.

KS- 017/2020 Vedtak:

Harald Boge vert ny fast medlem for Arbeiderpartiet i kommunestyret ut kommunestyreperioden 2019-2023

Harald Boge vert 3. varamedlem i formannskapet og i valstyret for grupperinga Arbeiderpartiet, Høgre og Miljøpartiet Dei Grøne ut kommunestyreperioden 2019-2023.

Eva Hellevang vert 2. varamedlem i arbeidsmiljøutvalet for grupperinga Arbeiderpartiet, Høgre og Miljøpartiet Dei Grøne ut kommunestyreperioden 2019-2023.

Vedtaket er heimla i kommuneloven § 7-10.

Rådmannen sitt framlegg til vedtak:

Harald Boge vert ny fast medlem for Arbeiderpartiet i kommunestyret ut kommunestyreperioden 2019-2023

Harald Boge vert 3.varamedlem i formannskapet og i valstyret for grupperinga Arbeiderpartiet, Høgre og Miljøpartiet Dei Grøne ut kommunestyreperioden 2019-2023.

Gunn Totland Moss vert 2.varamedlem i arbeidsmiljøutvalet for grupperinga Arbeiderpartiet, Høgre og Miljøpartiet Dei Grøne ut kommunestyreperioden 2019-2023.

Vedtaket er heimla i kommuneloven §7-10.

SAKNR. 018/2020: Delegering av mynde i høve sak for Bergen Tingrett

30.04.2020 Kommunestyret:

Handsaming i møtet:

Innleiingsvis under handsaminga orienterte rådgjevar Pål Strand om bakgrunnen for saka.

Formannskapet si tilråding vart vedteke med 20 mot 1 røyst. Jon Magne Bøgevik (Ap) røysta imot.

KS- 018/2020 Vedtak:

Ordføraren er kommunen sin rettslege representant og har mynde til å møte i retten og representere Samnanger kommune i tvisten Frode Stien mot Samnanger kommune i Bergen Tingrett, i tråd med føringar i Kommuneleova og Samnanger kommune sitt delegeringsreglement.

Rådmannen vert delegert mynde til å ta avgjerd om prosesshandlingar og bruk av rettsmidlar, inngå forlik, avslå tilbud om forlik, dekke sakskostnader eller avslå krav om å dekke sakskostnader. Fullmakta gjeld alle rettsinstansar og eventuelt ny sak med utspring i same rettshøve.

Fullmakta gjeld likeeins ved utanrettslege høve, i sak med utspring i same rettshøve.

Delegert fullmakt kan delegerast vidare.

Formannskapet skal haldast orientert.

16.04.2020 Formannskapet:

Handsaming i møtet:

Det vart under handsaminga av saka avklart at endeleg vedtak i saka skal gjerast av kommunestyret.

Rådmannen sitt framlegg vart vedteke med åtte mot ei røyst. Jon Magne Bøgevik (Ap) røysta imot framlegget, dei andre medlemmene røysta for.

FORM- 011/2020 Vedtak:

Ordføraren er kommunen sin rettslege representant og har mynde til å møte i retten og representere Samnanger kommune i tvisten Frode Stien mot Samnanger kommune i Bergen Tingrett, i tråd med føringar i Kommuneleova og Samnanger kommune sitt delegeringsreglement.

Rådmannen vert delegert mynde til å ta avgjerd om prosesshandlingar og bruk av rettsmidlar, inngå forlik, avslå tilbud om forlik, dekke sakskostnader eller avslå krav om å dekke sakskostnader. Fullmakta gjeld alle rettsinstansar og eventuelt ny sak med utspring i same rettshøve.

Fullmakta gjeld likeeins ved utanrettslege høve, i sak med utspring i same rettshøve.

Delegert fullmakt kan delegerast vidare.

Formannskapet skal haldast orientert.

Rådmannen sitt framlegg til vedtak:

Ordføraren er kommunen sin rettslege representant og har mynde til å møte i retten og representere Samnanger kommune i tvisten Frode Stien mot Samnanger kommune i Bergen

Tingrett, i tråd med føringar i Kommunelova og Samnanger kommune sitt delegeringsreglement.

Rådmannen vert delegert mynde til å ta avgjerd om prosesshandlingar og bruk av rettsmidlar, inngå forlik, avslå tilbud om forlik, dekke sakskostnader eller avslå krav om å dekke sakskostnader. Fullmakta gjeld alle rettsinstansar og eventuelt ny sak med utspring i same rettshøve.

Fullmakta gjeld likeeins ved utanrettslege høve, i sak med utspring i same rettshøve.

Delegert fullmakt kan delegerast vidare.

Formannskapet skal haldast orientert.

SAKNR. 019/2020: Uttale til Nasjonal transportplan (NTP) 2022-2033

30.04.2020 Kommunestyret:

Handsaming i møtet:

Ordførar Knut Harald Frøland (Bl) orienterte om at det er ein skrivefeil i teksten i formannskapet sitt vedtak. Samnanger står der to gongar og Kvinnherad står ikkje i det heile. Korrekt tekst i vedtaket til formannskapet skal vera som følgjer: "Formannskapet i Samnanger stiller seg bak fellesuttalen frå Bjørnafjorden, Samnanger, Kvam, Ullensvang og Kvinnherad".

Formannskapet si tilråding vart vedteke med 18 mot 3 røyster:

For	Imot
Knut Harald Frøland (Bl)	Linda Haug Kollbotn (Frp)
Lena Tveit (Bl)	Odd Arne Haga (Frp)
Anja Elisabeth Gjerde Markhus (Bl)	Karl Bård Kollbotn (Frp)
Knut Loneland Høibraaten (Bl)	
Martin Haugen (Bl)	
Ove Totland (Bl)	
Øyvind Steinsland (Bl)	
Solveig Vassenden (Bl)	
Shirin Kvernes Khadoor (Ap)	
Gunn Østvik Petersen (Ap)	
Jon Magne Borgevik (Ap)	
Harald Boge (Ap)	
Monica Tjønnå (Sp)	
Øyvind Røen (Sp)	
Gunn Totland Moss (KrF)	
Arild Røen (H)	
Øyvind Strømmen (MDG)	
Oskar Røen (MDG)	

KS- 019/2020 Vedtak:

Kommunestyret i Samnanger stiller seg bak fellesuttalen frå Bjørnafjorden, Samnanger, Kvam, Ullensvang og Kvinnherad.

16.04.2020 Formannskapet:

Handsaming i møtet:

Innleiingsvis orienterte ordførar Knut Harald Frøland om saka. Han last òg opp fellesuttalen som er sendt inn frå Bjørnafjorden, Samnanger, Kvam, Ullensvang og Kvinnherad:

"Fellesuttale frå samarbeidskommunane Bjørnafjorden, Samnanger, Kvam, Ullensvang og Kvinnherad.

Kommunane har til saman 60.000 innbyggjarar. Samt eitt variert næringsliv med stor verdiskaping.

Uttale:

Rassikring, god standard på vegane og trafikkssikring må ha høg prioritet. Vestland er eitt av dei fylka som har størst behov for opprusting og vedlikehald av vegane. Eksisterande vedlikehaldsetterslep må hentast inn i planperioden. For person- og næringstransport er vi avhengige av at vegane våre held god standard og at dei er trygge.

Samarbeidskommunane vil at ein skal prioritere investeringar som sikrar gul stripe på strekningar som har smal vegbane. Samt utbetring av strekningar som har låg standard, samt høg risiko for ras og ulukker.

E 134 Haukelitunnelane

E 134 er det viktigaste aust-vest sambandet. I aust/vest utgreiinga vart det slått fast at vegsambandet har høgast samfunnsnytte nasjonalt sett. Vidare inkluderer utbygging av sambandet sikring av mange raspunkt i Vestland. Med arm til Bergen så er influensområdet opp mot 3 mill innbyggjarar. KVVU på arm til Bergen må utgreiast. Det er tverrpolitisk semje nasjonalt og lokalt om tidleg oppstart i inneverande NTP - seinast 2022-2023. Tunnelane på strekninga Seljestad- Ljamyrane-Vågsli er ferdig regulert, og må startast opp tidleg i komande NTP. Med dette så vil vintersikkerheten verta mykje betre for både næringstransporten og dei priva treisande, i tillegg til store mengder spart drivstoff, pga over 1000 reduserte høgdemeter, og tilsvarande reduserte utslepp.

E-39

E-39 er svært viktig for samarbeidskommunane som vil ha stort utbytte av nærleik til denne. Kommunane ønskjer ikkje bru over Bjørnafjorden (Hordfast), men ei utgreiing av ferjefri E-39 med indre trase kor ein sikrar gode koplingar til store områder i fylket. Samt legg til rette for fortsatt sterk verdiskaping i vår region og i Vestland fylke.

Knut Harald Frøland sette fram framlegg om at formannskapet stiller seg bak denne fellesuttalen.

Framlegget til Knut Harald Frøland vart vedteke med åtte mot ei røyst. Odd Arne Haga (Frp) røysta imot framlegget, dei andre medlemmene røysta for.

FORM- 012/2020 Vedtak:

Formannskapet i Samnanger kommune stiller seg bak fellesuttalen frå Bjørnafjorden, Samnanger, Kvam, Ullensvang og Samnanger.

Rådmannen sitt framlegg til vedtak:

Saka vert lagt fram utan tilråding frå rådmannen.

SAKNR. 020/2020: Innmelding i E134 Haukelivegen AS

30.04.2020 Kommunestyret:

Handsaming i møtet:

Innleiingsvis orienterte dagleg leiar Pål Kårbø om E134 Haukelivegen AS. Han svarte òg på spørsmål frå medlemmene i kommunestyret.

Ordførar Knut Harald Frøland (BI) sett fram følgjande framlegg til vedtak:

"Samnanger kommune vedtek å bli medlem i E134 Haukelivegen AS. Finansiering av aksjekjøp kr. 10.000 og årleg kostnad kr. 19.000 skjer ved bruk av disposisjonsfondet".

Etter ønske frå Øyvind Strømmen (MDG) gjorde Knut Harald Frøland ei justering i vedtaksframlegget sitt. Justeringa var at årleg kostnad skal innarbeidast i budsjettet frå og med neste budsjettår (2021).

Knut Harald Frøland sitt framlegg vart vedteke med 15 mot 6 røyster.

For	Imot
Knut Harald Frøland (BI)	Martin Haugen (BI)
Anja Elisabeth Gjerde Markhus (BI)	Lena Tveit (BI)
Knut Loneland Høibraaten (BI)	Shirin Kvernes Khadoor (Ap)
Ove Totland (BI)	Gunn Østvik Petersen (Ap)
Øyvind Steinsland (BI)	Jon Magne Borgevik (Ap)
Solveig Vassenden (BI)	Harald Boge (Ap)
Linda Haug Kollbotn (Frp)	
Odd Arne Haga (Frp)	
Karl Bård Kollbotn (Frp)	
Monica Tjønnå (Sp)	
Øyvind Røen (Sp)	
Gunn Totland Moss (KrF)	
Arild Røen (H)	
Øyvind Strømmen (MDG)	
Oskar Røen (MDG)	

KS- 020/2020 Vedtak:

Samnanger kommune vedtek å bli medlem i E134 Haukelivegen AS. Finansiering av aksjekjøp kr. 10.000 og årleg kostnad i 2020, kr. 19.000, skjer ved bruk av disposisjonsfondet. Årleg kostnad vert innarbeidd i budsjettet frå og med 2021.

Rådmannen sitt framlegg til vedtak:

Saka vert lagt fram utan tilråding frå rådmannen.

SAKNR. 021/2020: Årsmelding for kontrollutvalet 2019

30.04.2020 Kommunestyret:

Handsaming i møtet:

Ordførar Knut Harald Frøland (BI) orienterte innleiingsvis om at det i saksframlegget står *"Rådmannen sitt framlegg til vedtak"*, men at det skal stå *"Kontrollutvalet sitt framlegg til vedtak"*.

Leiar i kontrollutvalet, Arild Røen (H), orienterte kort om innhaldet i årsmeldinga. Han orienterte òg om eit par feil i årsmeldinga, som vil bli retta opp.

Kontrollutvalet si tilråding vart samrøystes vedteke.

KS- 021/2020 Vedtak:

Kommunestyret godkjenner årsmelding for kontrollutvalet 2019.

Rådmannen sitt framlegg til vedtak:

Kommunestyret godkjenner årsmelding for kontrollutvalet 2019

SAKNR. 022/2020: Val av revisor for Samnanger kommune**30.04.2020 Kommunestyret:**

Handsaming i møtet:

Leiar i kontrollutvalet, Arild Røen (H), orienterte om konkurransen som er gjennomført om levering av revisjonstenester til mellom anna Samnanger kommune. Det kom inn tre tilbod i konkurransen (frå Deloitte, KPMG og BDO).

Kontrollutvalet si tilråding vart samrøystes vedteke.

KS- 022/2020 Vedtak:

Kommunestyret i Samnanger kommune vel BDO AS som revisor frå 01.07.2020 til 30.06.2024.

Kontrollutvalet sitt framlegg til vedtak:

Kommunestyret i Samnanger kommune vel BDO AS som revisor frå 01.07.2020 til 30.06.2024

SAKNR. 023/2020: Varsel om arbeidstilhøva i Samnanger kommune**30.04.2020 Kommunestyret:**

Handsaming i møtet:

Monica Tjønnå (Sp) bad om å få gildskapen sin vurdert, fordi ho for tida arbeider i vikariat ved Samnanger barneskule. Ho orienterte om at ho ønskte å vera ugild i saka. Ho gjekk frå medan kommunestyret handsama gildskapen hennar. Ho vart samrøystes funnen ugild og deltok derfor ikkje under handsaminga av saka.

Innleiingsvis under handsaminga orienterte leiar i kontrollutvalet, Arild Røen (H), om saka - mellom anna om at Deloitte allereie er i gang med intervju med involverte i saka, og at om at Deloitte sin rapport truleg vil kunne leggjast fram for kommunestyret 12.06.2020.

Etter spørsmål frå Odd Arne Haga (Frp), orienterte Arild Røen òg om at varselet gjeld arbeidsmiljøet ved Samnanger barneskule. Han orienterte vidare om at kommunestyremedlemmene kunne få tilsendt ein kopi av varselet på e-post, der varslarane sine namn er anonymisert. Han ønska at kommunestyremøtet i så fall vart lukka under den vidare handsaminga av saka, på grunn av innhaldet i varselet. Det vart bestemt at kopi av varselet skulle sendast på e-post til kommunestyremedlemmene, og at det så skulle vera ein pause i møtet slik at dei kunne lesa gjennom varselet før handsaminga av saka heldt fram. Det vart òg bestemt at møtet skulle lukkast under den vidare handsaminga av saka. Heimel for lukkinga er kommunelova § 11-5, tredje avsnitt.

Kontrollutvalet si tilråding vart samrøystes vedteke.

KS- 023/2020 Vedtak:

1. Kommunestyret tek statusrapporten frå Deloitte til orientering.
2. **Kommunestyret gir tilleggsføring på kr. 200.000,- for å få dekkast kostnadane ved revisjon av varselet.**

Kontrollutvalet sitt framlegg til vedtak:

1. Kommunestyret tek statusrapporten frå Deloitte til orientering.
2. Kontrollutvalet ber kommunestyret om ei tilleggsføring på kr. 200.000,- for å få dekkast kostnadane ved revisjon av varselet.

SAKNR. 024/2020: Endeleg rapport gransking av tre barnevernsaker

30.04.2020 Kommunestyret:

Handsaming i møtet:

Rådmann Charlotte Hageberg orienterte innleiingsvis om utlegging av granskingsrapporten på internett. Rapporten vart lagt ut på kommunen si heimeside 22.04.2020, som vedlegg i møteinnkallinga til kommunestyremøtet 30.04.2020. Etter råd frå Fylkesmannen i Hordaland valde rådmannen 23.04.2020 å fjerna granskingsrapporten frå kommunen si heimeside.

Geir Kjell Andersland frå Barneadvokatene DA deltok òg under handsaminga av saka. Han orienterte både om rapporten, om spørsmål knytt til offentleggjering/utlegging av granskingsrapporten på internett, samt at han svarte på spørsmål frå medlemmene i kommunestyret.

Øyvind Strømmen (MDG) orienterte om ein "glipp" i anonymiseringa på side 59 i rapporten, der namnet til ein involvert person står. Det var semje i kommunestyret om at dette namnet skal sladdast før rapporten eventuelt vert offentleggjort/publisert på kommunen si heimeside.

Gunn Totland Moss (KrF), Knut Harald Frøland (Bl), Karl Bård Kollbotn (Frp) og Øyvind Røen (Sp) sette fram følgjande framlegg til vedtak:

"Samnanger kommunestyre gjorde 21.02.2019 følgjande vedtak i sak 10/2019: "Kommunestyret ber om at det vert iverksett ei ekstern gransking av dei tre barnevernssakene i Samnanger kommune som rådmannen har motteke bekymringsmelding om. Det skal i granskinga sjåast på om kommunen si handtering/framgangsmåte i sakene har vore i samsvar med gjeldande reglar, normer og verdiar. Ein skal sjå på prosessane fram mot vedtak/beslutningar og vurdere metodane som er brukte []"

Alle sakene er no ferdig granska, og del 1 og del 2 av rapporten er samla i eit felles dokument. Granskarane har summert opp hovudkonklusjonane i rapporten på denne måten: «Granskingen har avdekket at barneverntjenesten i Samnanger i de granskede sakene på en rekke punkter har opptrådt i strid med både FNs barnekonvensjon, barnevernloven og god forvaltningsskikk.»

Samnanger kommune vil som kommunalt barnevernsstyre svært tydeleg ta sin del av ansvaret for at dette har skjedd. Samnanger kommune vil difor be familiane som er råka, om ei orsaking for den uretten og dei grunnlause skuldningane dei har vore utsette for. Dette vert formidla skriftleg i eit brev til kvart av borna som er omtalte i rapporten.

I kommunestyremøtet 22.08.2019 vedtok Samnanger kommune å gje ei oppreisning på 150.000 kroner til barn S, som er omtala i sak 1 i rapporten, – og sameleis 150.000 kroner til kvart av borna A

og S som sak 2 handlar om. Kommunen vedtok i tillegg ei oppreisning på 100.000 kroner til kvar av fedrane i sak 1 og 2.

Kommunen gjev no – på grunnlag av del 2 i rapporten – 150.000 kroner i oppreisning til barn B i sak 1. Sameleis får òg kvart av dei fire borna i sak 3 ei oppreisning på 150.000 kroner. Det vert gjeve ei oppreisning på 100.000 kroner til mor i sak 3. Barn N i sak 2 får 300.000 kroner i oppreisning. Finansiering skjer ved bruk av disposisjonsfondet.

Kommunestyret krev at Samnanger sitt barnevern tek omsyn til borna sine ynske om fleire samvær, også i foreldreheimen, og utan tilsyn.

Dei granska barnevernssakene har utanom dei menneskelege påkjenningane ført til store kostnader for Samnanger kommune, til saman 30–40 millionar kroner. Kommunestyret ber om at det til møtet i formannskapet 28. mai 2020 vert lagt fram ei vurdering av om det er grunnlag for Samnanger kommune å krevja erstatningar gjennom eit søksmål mot personar eller instansar som har vore involverte i dei nemnde barnevernssakene. Det vert løyvd inntil 50 000 kroner frå disposisjonsfondet til dette arbeidet.

Granskingsrapporten skal vera offentleg og leggjast ut på Samnanger kommune sine heimesider."

Øyvind Strømmen (MDG) sette fram følgjande alternative framlegg til det siste avsnittet i framlegget til Gunn Totland Moss, Knut Harald Frøland, Karl Bård Kollbotn og Øyvind Røen:

"Rapporten vert gjennomgått med tanke på om det er opplysningar i rapporten som bør unntakast offentlegheit, eller som ikkje bør publiserast på nett, av omsyn til personvern og med omsyn kva dei berørte personane - dvs. borna og foreldre - sjølv ynskjer."

Det vart først røysta over rådmannen sitt framlegg til vedtak. Dette framlegget fekk ei røyst (Øyvind Steinsland, BI).

Det vart så røysta over dei første seks avsnitta i framlegget til Gunn Totland Moss, Knut Harald Frøland, Karl Bård Kollbotn og Øyvind Røen. Samrøystes vedteke.

Det vart så røysta over det sjuande (nest siste) avsnittet i framlegget til Gunn Totland Moss, Knut Harald Frøland, Karl Bård Kollbotn og Øyvind Røen. Dette avsnittet vart vedteke med 12 mot 9 røyster:

For	Imot
Knut Harald Frøland (BI)	Martin Haugen (BI)
Lena Tveit (BI)	Øyvind Steinsland (BI)
Anja Elisabeth Gjerde Markhus (BI)	Øyvind Strømmen (MDG)
Knut Loneland Høibraaten (BI)	Oskar Røen (MDG)
Ove Totland (BI)	Shirin Kvernes Khadoor (Ap)
Solveig Vassenden (BI)	Gunn Østvik Petersen (Ap)
Linda Haug Kollbotn (Frp)	Jon Magne Borgevik (Ap)
Odd Arne Haga (Frp)	Harald Boge (Ap)
Karl Bård Kollbotn (Frp)	Arild Røen (H)
Monica Tjønna (Sp)	
Øyvind Røen (Sp)	
Gunn Totland Moss (KrF)	

Det vart til slutt gjennomført røysting der det siste avsnittet i framlegget til Gunn Totland Moss, Knut Harald Frøland, Karl Bård Kollbotn og Øyvind Røen vart sett opp mot framlegget til Øyvind Strømmen (MDG). Framlegget til Gunn Totland Moss, Knut Harald Frøland, Karl Bård Kollbotn og Øyvind Røen

fekk 11 røyster og framlegget til Øyvind Strømmen 10 røyster:

For framlegget til Gunn Totland Moss, Knut Harald Frøland, Karl Bård Kollbotn og Øyvind Røen	For framlegget til Øyvind Strømmen
Knut Harald Frøland (Bl)	Øyvind Strømmen (MDG)
Lena Tveit (Bl)	Martin Haugen (Bl)
Anja Elisabeth Gjerde Markhus (Bl)	Øyvind Steinsland (Bl)
Knut Loneland Høibraaten (Bl)	Ove Totland (Bl)
Solveig Vassenden (Bl)	Oskar Røen (MDG)
Linda Haug Kollbotn (Frp)	Shirin Kvernes Khadoor (Ap)
Odd Arne Haga (Frp)	Gunn Østvik Petersen (Ap)
Karl Bård Kollbotn (Frp)	Jon Magne Borgevik (Ap)
Monica Tjønnå (Sp)	Harald Boge (Ap)
Øyvind Røen (Sp)	Arild Røen (H)
Gunn Totland Moss (KrF)	

KS- 024/2020 Vedtak:

Samnanger kommunestyre gjorde 21.02.2019 følgjande vedtak i sak 10/2019: "Kommunestyret ber om at det vert iverksett ei ekstern gransking av dei tre barnevernssakene i Samnanger kommune som rådmannen har motteke bekymringsmelding om. Det skal i granskinga sjåast på om kommunen si handtering/framgangsmåte i sakene har vore i samsvar med gjeldande reglar, normer og verdiar. Ein skal sjå på prosessane fram mot vedtak/beslutningar og vurdere metodane som er brukte []"

Alle sakene er no ferdig granska, og del 1 og del 2 av rapporten er samla i eit felles dokument. Granskarane har summert opp hovudkonklusjonane i rapporten på denne måten: «Granskingen har avdekket at barneverntjenesten i Samnanger i de granskede sakene på en rekke punkter har opptreidt i strid med både FNs barnekonvensjon, barnevernloven og god forvaltningsskikk.»

Samnanger kommune vil som kommunalt barnevernsstyre svært tydeleg ta sin del av ansvaret for at dette har skjedd. Samnanger kommune vil difor be familiene som er råka, om ei orsaking for den uretten og dei grunnlause skuldningane dei har vore utsette for. Dette vert formidla skriftleg i eit brev til kvart av borna som er omtalte i rapporten.

I kommunestyremøtet 22.08.2019 vedtok Samnanger kommune å gje ei oppreisning på 150.000 kroner til barn S, som er omtala i sak 1 i rapporten, – og sameleis 150.000 kroner til kvart av borna A og S som sak 2 handlar om. Kommunen vedtok i tillegg ei oppreisning på 100.000 kroner til kvar av fedrane i sak 1 og 2.

Kommunen gjev no – på grunnlag av del 2 i rapporten – 150.000 kroner i oppreisning til barn B i sak 1. Sameleis får òg kvart av dei fire borna i sak 3 ei oppreisning på 150.000 kroner. Det vert gjeve ei oppreisning på 100.000 kroner til mor i sak 3. Barn N i sak 2 får 300.000 kroner i oppreisning. Finansiering skjer ved bruk av disposisjonsfondet.

Kommunestyret krev at Samnanger sitt barnevern tek omsyn til borna sine ynske om fleire samvær, også i foreldreheimen, og utan tilsyn.

Dei granska barnevernssakene har utanom dei menneskelege påkjenningane ført til store kostnader for Samnanger kommune, til saman 30–40 millionar kroner. Kommunestyret ber om at det til møtet i formannskapet 28. mai 2020 vert lagt fram ei vurdering av om det er grunnlag for Samnanger kommune å krevja erstatningar gjennom eit søksmål mot personar eller instansar som har vore involverte i dei nemnde barnevernssakene. Det vert løyvd inntil 50 000 kroner frå disposisjonsfondet til dette arbeidet.

Granskingsrapporten skal vera offentleg og leggjast ut på Samnanger kommune sine heimesider.

Rådmannen sitt framlegg til vedtak:

På bakgrunn av framlagde rapport vedtar kommunestyret å gje ei oppreising til barn B i sak 1 med ein sum på 150 000 kroner i saka som omfattar ho. På bakgrunn av framlagde rapport vedtar kommunestyret å gje oppreising til born N i sak 2 med ein sum på 300 000 kroner i saka som omfattar ho. På bakgrunn av framlagde rapport vedtar kommunestyret å gje oppreising til dei fire borna og mor i sak 3 med ein sum på 150 000 kroner til kvar i saka som omfattar dei.

Utgiftene vert finansiert av disposisjonsfondet.

SAKNR. 025/2020: Oppfølging av fylkesmannen sin oppheving av vedtak - skjenkeløyve Milano Pizzeria Bjørkheim

30.04.2020 Kommunestyret:

Handsaming i møtet:

Ordførar Knut Harald Frøland (Bl) foreslo at møtet vart lukka under handsaminga av saka. Møtet vart lukka medan kommunestyret handsama spørsmålet om lukking av møtet. Møtet vart opna igjen før kommunestyret røysta over dette spørsmålet. Det vart samrøystes vedteke å lukka møtet under handsaminga av saka, med heimel i kommunelova § 11-5, andre og tredje avsnitt.

Ordførar Knut Harald Frøland (Bl) sette først fram følgjande framlegg til vedtak:

"Skjenkeløyve For Milano Pizzeria gjeldt inntil vidare som vedtatt av kommunestyret 05.12.19. Samnanger kommune ber om at Skatteetaten gjer meir utfyllande uttale og at saka kjem til ny handsaming når denne føreligg. Samnanger kommune ber i tillegg om at Milano Pizzeria også gjer uttale til saka før den kjem til ny handsaming."

Knut Harald Frøland gjorde ei presisering av forståinga av framlegget sitt før røystinga i saka. Presiseringa gjekk på at det er ordlyden i kommunestyret sitt vedtak frå 05.12.2019 som framleis skal gjelda, ikkje sjølvve vedtaket. Bakgrunnen for dette er at Fylkesmannen har oppheva vedtaket som kommunestyret gjorde 05.12.2019.

I røystinga i saka fekk Knut Harald Frøland sitt framlegg 11 røyster og rådmannen sitt framlegg 10 røyster:

For Knut Harald Frøland sitt framlegg	For rådmannen sitt framlegg
Knut Harald Frøland (Bl)	Øyvind Strømmen (MDG)
Lena Tveit (Bl)	Oskar Røen (MDG)
Anja Elisabeth Gjerde Markhus (Bl)	Shirin Kvernes Khadoor (Ap)
Knut Loneland Høibraaten (Bl)	Gunn Østvik Petersen (Ap)
Martin Haugen (Bl)	Jon Magne Borgevik (Ap)
Ove Totland (Bl)	Harald Boge (Ap)
Øyvind Steinsland (Bl)	Monica Tjønna (Sp)
Solveig Vassenden (Bl)	Øyvind Røen (Sp)
Linda Haug Kollbotn (Frp)	Gunn Totland Moss (KrF)
Odd Arne Haga (Frp)	Arild Røen (H)
Karl Bård Kollbotn (Frp)	

Protokollmerknad frå Jon Magne Bøgevik (Ap):

Etter røystinga bad Jon Magne Bøgevik om å få inn følgjande protokollmerknad i saka:
"Søkjaren er ikkje søknadsberettiga etter alkoholova."

KS- 025/2020 Vedtak:

Skjenkeløyve For Milano Pizzeria gjeldt inntil vidare som vedtatt av kommunestyret 05.12.19. Samnanger kommune ber om at Skatteetaten gjer meir utfyllande uttale og at saka kjem til ny handsaming når denne føreligg. Samnanger kommune ber i tillegg om at Milano Pizzeria også gjer uttale til saka før den kjem til ny handsaming.

Rådmannen sitt framlegg til vedtak:

Samnanger kommune tek brev datert 09.03.2020 frå Fylkesmannen til etterretning.

Søknad om skjenkeløyve frå Milano Pizzeria Vaksdal Hallis Celep (org. Nr: 917 124 264) vert med heimel i alkoholova §1-7 b avvist.

SAKNR. 7: Interpellasjon og grunngeve spørsmål - KS 30.04.2020**30.04.2020 Kommunestyret:**

Handsaming i møtet:

Grunnjevne spørsmål frå Øyvind Strømmen (MDG):

Sjå side 5 i møteprotokollen for handsaminga av grunnjevne spørsmål frå Øyvind Strømmen om det gamle deponiet i Gruvo.

Interpellasjon frå Øyvind Strømmen (MDG) om takstsonestruktur:

Øyvind Strømmen (MDG) las opp interpellasjonen. Ordførar Knut Harald Frøland (BI) las opp svaret sitt på interpellasjonen. Knut Harald Frøland foreslo ei tilføyning i forhold til Øyvind Strømmen sitt framlegg til vedtak, om at det i vedtaksteksten òg vert vist til Transportøkonomisk institutt sin analyse. Øyvind Strømmen justerte etter dette vedtaksframlegget sitt i samsvar med Knut Harald Frøland sitt forslag. Det justerte vedtaksframlegget vart som følgjer:

"Samnanger kommunestyre er kjende med at det går føre seg ei evaluering av sonestrukturen til Skyss, og ser også dette i naturleg samanheng med ei eventuell justering av sonestrukturen grunna samanslåing av tidlegare Hordaland og tidlegare Sogn og Fjordane fylker.

Samnanger kommunestyre ser på det som grunnleggjande positivt at det i 2018 vart innført ein ny og kraftig forenkla sonestruktur i Hordaland fylke. Den nye strukturen har gjort det enklare og for mange også billegare å nytta seg av kollektivtransport. Det gjeld også dei mange pendlarane til bergensområdet som er busett i Samnanger kommune. Samstundes understrekar Samnanger kommune at det vert opplevd urimeleg når sone A inkluderer alle kommunane i bu og arbeidsmarknadsregionen Bergen, med unntak for Samnanger og den austlege delen av Bjørnafjorden kommune, jf. Transportøkonomisk Institutt si analyse av 2019. I tillegg inkluderer sone A også BA-regionane Alver (med unntak for Masfjorden) og Fedje.

Kommunestyret ser på det som naturleg at pendlarkommunar rundt Bergen er inkludert i denne sona, og meiner det er eit viktig bidrag til å gjera kollektivtransport meir attraktivt, og dermed også meir brukt. Kommunestyret anser difor at det er naturleg at Samnanger i framtida vert innlemma i same

sone som andre kommunar i den same bu- og arbeidsmarknadsregionen.

Kommunestyret ber administrasjonen senda denne fråsegna til samferdselsutvalet, samt til den politiske leiinga i Vestland fylke, ved fylkesordførar og fylkesvaraordførar."

Det justerte framlegget til Øyvind Strømmen vart samrøystes vedteke.

KS- 7 Vedtak:

Samnanger kommunestyre er kjende med at det går føre seg ei evaluering av sonestrukturen til Skyss, og ser også dette i naturleg samanhang med ei eventuell justering av sonestrukturen grunna samanslåing av tidlegare Hordaland og tidlegare Sogn og Fjordane fylker.

Samnanger kommunestyre ser på det som grunnleggjande positivt at det i 2018 vart innført ein ny og kraftig forenkla sonestruktur i Hordaland fylke. Den nye strukturen har gjort det enklare og for mange også billegare å nytta seg av kollektivtransport. Det gjeld også dei mange pendlarane til bergensområdet som er busett i Samnanger kommune. Samstundes understrekar Samnanger kommune at det vert opplevd urimeleg når sone A inkluderer alle kommunane i bu og arbeidsmarknadsregionen Bergen, med unntak for Samnanger og den austlege delen av Bjørnafjorden kommune, jf. Transportøkonomisk Institutt si analyse av 2019. I tillegg inkluderer sone A også BA-regionane Alver (med unntak for Masfjorden) og Fedje.

Kommunestyret ser på det som naturleg at pendlarkommunar rundt Bergen er inkludert i denne sona, og meiner det er eit viktig bidrag til å gjera kollektivtransport meir attraktivt, og dermed også meir brukt. Kommunestyret anser difor at det er naturleg at Samnanger i framtida vert innlemma i same sone som andre kommunar i den same bu- og arbeidsmarknadsregionen.

Kommunestyret ber administrasjonen senda denne fråsegna til samferdselsutvalet, samt til den politiske leiinga i Vestland fylke, ved fylkesordførar og fylkesvaraordførar.